

# 2016 JAHKEDIEDÁHUS



Čakčamánu 9, beaivvi 2016, vuohččan hoigadan fatnasiid mat ráhkaduvsvojedje johkafanasduddjonkursas.

Govven: Tomasz Wahko.

RDM-Jáhkovuona mearrasámi musea/Kokelv sjøsamiske museum

RDM-Porsáŋggu musea/Porsanger museum/Porsangin museumi

RDM-Sámiid Vuorká-Dávvirat/De Samiske Samlinger

RDM-Guovdageainnu gilišillju/Kautokeino bygdetun

RDM- Dáiddamágasiidna/Kunstmagasinet



RidduDuottarMuseat

## VÁSSÁN JAHKI – 2016

RDM lea 2016:s ain bargan nuppástuhttimiin nannen dihte báikkálaš museaid ja doaimmaid. Sihke rehketdoallu ja gussiidlohku čájehit ahte doaimmaid lasiheapmi museain lea leamašan buorre. Gussiidlohku RDM báikkálaš museain lea lassánan ja buktán 12,5 % lassáneami sisaboadus 2015:s 2016:i. Dán jagi leat oktiibuot 9930 olbmo galledan RDM. Dát lea 1858 eambbo go diibmá ja dain leat 1013 eambbo máksi guossi. RDM lea ovttasbargan Porsáŋgu gielddain ja Guovdageainnu suohkaniin doaimmahit turistadiehtujuohkima. Dát lea maiddái váikkuhan gussiid lassáneapmái 2015:s 2016:i. Turistadiehtujuohkindoaimma dihte leat leamašan viiddiduvvon rahpanáiggít. Neahttabáikkít dovdojit maid adnojuvvon eambbo go báikkálaš museat leat ásahan alcceseaset facebooksiiduid 2016:s. Dáin oážžu báikkálaš dieđuid.

Lassin ođđa báikki ja čájáhusarena ásaheapmái Levdnjii, lea Skuvvanvárrái ovdánahtton ođđa čájáhus ovttas Skuvvanváre giliseriin ja Porsáŋgu historjáserviin.



GOVVA SKUVVANVÁRE ČÁJÁHUSAS

Dáiddamagasiinna bajáshuksen lea leamašan okta dain stuorebuš prošeavttain 2016:s mii lea gáibidan olu sihke ruđalaš ja olmmošlaš návccaid. Čoakkáldaga sirdin dáhpáhuvai dán jagi.

SVD fanasprošeakta lei earenoamáš doibmii. Čájehuvvui ahte álbmot lea ohcalan dákkár doaimma, go oahppaladde báikki gos fanasduddjon lei.



STIVVRAJODIHEADDJI KALSTAD DOALLÁ SÁRTNI INGAR EIRAI BÁLKKÁŠUMI JUOHKIMIS 28.11.16, SCANDICAS KÁRÁŠJOGAS.

RDM gudnebálkkašupmi juhkojuvvo juohke nuppi jagi. 2016:s oaččui jáhkovuotnalaš Ingar Eira dán go lea atnán olu áiggistis juogadit iežas máhtu museabarggus. Son lea maid leamašan guovddáš olmmoš dalle juo ovdal go museaid ovttastahttinproseassa álggahuvvui, earenoamážit Jáhkovuona mearrasámi musea ásaheami oktavuodas, ja bargguin oččodit Nilladálu museai. Sámediggi nammadii 2005:s Eira stivraláhttun Sámiid Vuorká-Dávviid stivrii. Manjel museaid ovttastahttima 2006:s, jatkii Eira RiddoDuottarMuseaid stivraláhttun gitta 2014:i rádjai. 2014 rájes gitta otnáži lea son RDM stivrra várreláhttu. Badjel 30 jagi leat Ingara váibmoáššit leamašan fuolahit sámi árbevieruid ja sealluhit sámegea. 2014:s oaččui Fálesnuori suohkana kulturbálkkašumi go lea badjel 30 jagi ánggirduššan gea ovdas.



DIREKTEVRA ANNE MAY OLLI PANELASÁGASTALLAMIS KONFERÁNSSAS REPATRIEREMA BIRRA, CANBERRAS AUSTRILAS NJUKČAMÁNUS 2016.

Lea dáhttu ahte RDM galggašii eambbo oidnosis sihke našunálalaččat ja riikkaidgaskasaččat, earenoamážit álgoálbmotperspektiivvas. Direktivra Anne May Olli bovdejuvvui Australia našunálamuseii logaldallat New Encounters konferánsas, mii lei konferánsa repatrierema birra. Sihke Bååstede-prošeakta ja pesticida váttisvuodát sámi dávviriin ledje áššit mat gaskkustuvvojedje konferánsas. Našuvnnalaš ja riikkaidgaskasaš ovttasbargu eará museaiguin – sihke kulturhistorjjálaš ja dáiddamuseaiguin lea dehálaš.

Čoakkáldathálddahas ja arkiivvas lea Primusbargu nannosit vuoruhuvvon báikkálaš museain. Museat leat giddejuvvon golbma beaivvi vahkus vai ožžot vejolašvuoda bargat dáinna. Measta juohke báikkis

lea leamašan buorre dávisteapmi dása. 2016:s lea museaid primus ovdáneapmi leamašan 1893 registrerema. Dáin leat 159 almmuhuvvon “Digitála museas”. Čoakkáldagaid ja arkiivamateriála digitaliseren bohtá áiggi vuollái šaddat nanu ja dehálaš veahkkeneavvun museaid beaivválaš doaimmas. Bargit ledje bargiidmáttkkis Deanu museas ja Várjjat sámi museas. Doppe beasaimet oaidnit mo sii barget primusregistreremiin.

Mii leat maid oastán neahttavuogáiduvvan dataloggenrusttegiid vai museaid seailudandilli čadat loggejuvvo. Mii áigut bohtte jagi joatkit dákkár investeremiid. Digitaliseren ja ođđa neahttavuogáiduvvan čovdosat leat mielde beavttálmahttime RDM, muhto dahket maddái vejolažžan olahit buoret bohtosiid áiggi vuollái. Mihtideamit mat dál dahkkojuvvojit leat dehálaččat dieđuide maid Bååstede prošeaktajoavku oažžu báikkálaš museaid vurrkodandilálašvuodain.


RDM servodatdoaimba ja doaimba servodataktevran nannejuvvo báikkálaš museaid ovttasbarguin NAV:in/AKSIS:in, go RDM fállá bargohárjehallansajiid. RDM lea 2016 ođđajagimánu rájes šaddan IA-fitnodahkan. RDM bargiid jávkan lea 7,5%, ja dán oaidnit dohkálažžan go mis leat guhkitáiggi buohccindieđiheamit, ja go lea njiedjan diimmázis. RDM:s lea 2016 rehketdoallojagis leamašan 14,8 jahkebarggu.

## RIDDODUOTTAR MUSEAID (RDM) MIHTTU, VIŠUVNNAT JA ORGANISAŠUVDNA

RDM gaskkusta sámi siseatnankultuvrra, boazodoalu, mearrasámi kultuvrra, ja sámi, kvena ja dáčča kultuvrraid deaivvadeami. Dán dahká dávviriid, govaid ja vuoiŋnalaš (eahpeávnnaš) kulturmuittuid bokte. Lasiin hálddaša RDM stuora ja miellagiddevaš sámi dálááiggedáiddačoakkáldaga.

RDM lea priváhta vuodđudus man organisašuvdnanummir lea 989 999 192. Vuodđudeaddjit leat Guovdageainnu suohkan, Porsáŋgu gielddat, Sámiid Vuorká-Dávvirat vuodđudus (Karášjohka), ja Jáhkovuona mearrasámi musea vuodđudus (Fálesnuorri).

RiddoDuottarMuseat leat 2016:s ásahan BL (bargolávdegotti, dáru: AU) , ja báikkálaš gaskajodihedjiiid mat gohčoduvvojit museajodiheddjin.



RDM lea virggálaččat mearridan ahte organisašuvnna váldogiella lea sámeigiella. PM bargit atnet beaivválaš barggus golbma giela: dárogiella, kvenagiella ja sámeigiella. Váldohálddahuš lea SVD:s Kárásjogas.

Livčče áigumuš ásahit báikkálaš ovttasbargolávdegottiid juohke báikkálaš museai. RDM lea 2016:s váldán oktavuoda buot eaiggádiiguin vai sii vállješe ovddasteaddji báikkálaš ovttasbargolávdegoddi. Berošteddjiin dego báikkálaš historjá- ja museaserviin galggašii maid ovddasteaddji ovttasbargolávdegottis. Lávdegotti bargu lea áimmahuššat báikkálaš čanastumiid báikkálaččat heivehuvvon doaimmaiguin, prošeavttaiguin ja doaimbajuiguin.

## STIVRA 2016

Luohttámušdoaimma	Gii	Sadjásaš	Nammadan
Stivrajodiheddji	Johan Ailo M. Kalstad (BL)	Britt Kramvig	Sámediggi
Nubbijodiheddji	Arvid Petterson (BL)	Irene Persen	Porsáנגgu giella

Stivralahttu	Ragnhild Vassvik	Ingar Eira	Sámediggi
Stivralahttu	Ellen J. Sara Eira	Mikkel Ailo J. Gaup	Guovdageainnu suohkan
Stivralahttu	Gry Fors (BL)	Ann Inger Simonsen	Bargiid áirras
Stivralahttu	Svein A. Somby	John Nystad	Kárášjoga gielda
Stivralahttu	Hjalmar Strømeng	John Meløy Synnøve Solbakken- Härkönen	Eaiggátvuodđudus Sámiid Vuorká- Dávvirat
Stivralahttu	Johan Eliassen	Jan Edvard Nilsen	Eaiggátvuodđudus Jáhkovuona mearrasámi musea

Stivrra bargu: Lea doallan 3 stivračoahkkima ja gieđahallan 24 ášši. Okta stivračoahkkin lei telefodnačoahkkin. Museajođiheaddji/direktevra lea stivrra čáli. Bargolávdegoddi lea doallan 6 čoahkkima ja gieđahallan 52 ášši.

Sámedikkiin lea dollojuvvon bušeahttačoahkkin, mas ságastalle RDM ruhtadilis. Skábmamánus doalaiga stivrajođiheaddji ja direktvevra čoahkkimiid plána ja finánsalávdegottiin, Bb sámediggejoavkkuin, ja NSR sámediggejoavkkuin. RDM eaiggádiiguin leat maid dollojuvvon eaiggátčoahkkimat.

## RDM HÁLDDAHUS

RDM hálddahus	Bargi	Luohttámušdoaimma
Direktevra	Anne May Olli	
Vuosttaščáli/árvivára	Inga Margrethe Vars	Várrelahttu Sámi Museasearvvis 2014
Diehtujuohkinkonsuleanta	Anita Bjørnback	Suodjalusáittardeaddji
Teknikalaš konsuleanta	Ole Bjørn Tellefsen	80% RDM, 20% Dáiddamagasiinnas
Giellakonsuleanta	Marit Gunhild Sara	KulturNav
Ekonomiijakonsuleanta	Ann Inger Simonsen	Várrelahttu bargiid áirasa ovddas 2014
Sadjásaš doaimmateknihkar Bistevaš virgi 01.07.16 rájes	Bror Ivar Salamonsen	Buollinsuodjalusjođiheaddji RDM

## Doaimmat

RDM hálddahus ledje 2016:s čieža bargi ja lea oktasaš bálvalus dan njealji báikkálaš kulturhistorjjálaš museai ja dáiddamagasiidnii. Hálddahus leat direktvevra, diehtujuohkinkonsuleanta, teknikalaš konsuleanta, árvivára, giellakonsuleanta, doaimmateknihkar ja ekonomiijakonsuleanta. Muđui bargit leat čadnojuvvon báikkálaš museaide mat gullet RDM goavdesearvi. Hálddahusbáiki lea Kárášjogas, SVD:s. Direktvevrras lea ovddasvástádus doallat jođiheddjiidčoahkkimiid, ja IDF-čoahkkimiid luohttámušolbmui. Dán jagi lea direktvevra oasálastán kursii "Ledelse i front" man NNL-senter for lederutvikling lea doaimmahan. Son lea čađahan mielbargiságastallamiid buot RDM 17 bargiin (earet ofelaččai). Nuppástuhttima bokte leat 2016:s ožžon gaskajođiheddjiid geat bohtet iežaset

ossodagain čađahit mielbargiságastallamiid. Direktvevra lea vuoruhan leat báikkálaš museain nu olu go vejolaš. Dát lea mielddisbuktán olu mátkkošteami museaid gaskkas.

Organisašuvdna RDM lea miellahttu Sámi museasearvvis ja Našunála sámi museafierpmádagas. RDM lea maid miellahttu Norgga musealihtus. RDM lea maid dat ášahus mii meannuda ja mearrida ohcamiid go áigot beassat doalvut sámi kulturdávviid eret Norggas. Museafierpmádat lea leamašan RDM vuollásaš mánggaid jagiid. 2016:s čielggadedje Sámi museasearvi ja Sámediggi ahte RDM ii galgga šat koordineret fierpmádaga manjel 2016.

RDM:s lea miellahttu našunála giellaovdánahttinjoavkkus KulturNav. Dát lea KulturIT vuollásaš fágajoavku. Hálddahus lea ovddasvástáduš dearvvašvuhtii, birrasii ja sihkarvuhtii, HMS. Lea lagas ovttasbargu Fitnodatdearvvašvuodabálvalusain HEMIS:in Álttás. 2016 rájes lea RDM IA-fitnodat.

Mis lea oktasaš neahttasiidu (mihtiduvvon ahte 2016:s lea siiddu 44904 geardde čájehuvvon) ja báikkálaš museain leat iežaset sierra Facebook-siidut maid hálddahus ja báikkálaš museat doaimmahit (čuvvojeaddjit: RDM 733, SVD 132, GG 94, PM 390, JMM 54). Mis leat oktasaš almmuhusat iešguđetlágan mátkkoštanmagasiinnain ja báikkálaš festiválaaviissain.

RDM museaid čoakkáldagain leat govat, kulturhistorjjálaš dávvirat, vistit ja rusttegat. RDM hálddaša Sámedikki dáiddačoakkáldaga mat leat ostojuvvon dáidaga ja dáiddaduoji oastinortnega bokte, ja ostojuvvon RDM oastinortnega bokte, man Kulturdepartemeanta ruhtada.

RDM dihtorat leat oalle ođđaáigásaččat. Server doaibmá dohkálaččat, ja vurkenmunni (dahje vurkenvuogádat) lea otná dárbbuide doarvá. Váldoreaidu lea Microsoft Office 365, mas leat prográmmat maid eatnasat atnet beaivválaččat. 2016:is árvvoštalle IT-bálvalusaid oastigoahhtit olgguldaset.

Hálddahus lea buktán gulaskuddancealkámuša Sámedikki dieđáhussii kulturásahusaid birra. 2016 čavčča bargagođii RDM strategiijaplánain boahte 3-5 jahkái. Bargu álggahuvvui bargobájiiguin museajođiheddjiiguin ja stivrrain. Bargu galggašii válbmejuvvot 2017 geasi.

#### RDM-JÁHKOVUONA MEARRASÁMI MUSEA/KOKELV SJØSAMISKE MUSEUM (JMM)

Jáhkovuona musea/Kokelv museum	mearrasámi sjøsamiske	Bargi	Luohtámušdoaimma
Fágakonsuleanta		Elin Ingeborg Mathisen	Várreluohtámušolmmoš DELTA
1 geasseofelaš			

#### Gaskkusteapmi ja doaimmat

Gaskkusteapmi lea dehálaš doaimma JMM:s. 2016:s velteje bealdu buđehiid ja/dahje ruotnasiid gilvima várás Nilla-dálus, seamma báikkis gos dalle gilve go ain lei doaimma dálus. Bealddu leat geavahan ovttas Jáhkovuona bajásšaddanguovddážiin, oassin skuvlla oahpahas. Oahppit leat goaivvuiguin velten ja ráhkadan gilvin ládje bealdu. Giđđat gilvet buđehiid ja čakčat leat fárus guohkkame buđehiid. Geasseofelaččas ja konsuleanttas lea leamašan ovddasvástáduš dikšut bealddu geasi nu go galgá. Gili olbmot leat maid ovdal atnán eatnama. JMM ráhkadii skábmavahkus čájáhusa govain maid olbmot ledje sádden, 2016 adveanttas. Dát lea jahkásaš lágideapmi.

Lea ásahuvvon bargojoavku mii lea bargame prošeaktaplánain hukset ođđa museavistti Jáhkovutnii. Dán bargojoavkkus leat Annelise Josefsen (Eaiggátvuođđudusas), Johan Eliassen (RDM stivrras) ja Elin Mathisen.

2016:is ledje JMM:s oktiibuot 71 guossi.

### Čoakkáldaga hálddašeapmi ja primusregistreren

Dávvirčoakkáldat lassánii 2016:s ja juovlamánus ledje das 1109 objeavtta. Čoakkáldagas leat eanas dávvirat mat gullet beaivválaš eallimii ja ealáhussii. Dás leat reaiddut mat leat adnojuvvon guolásteamis, bivddus ja eanandoalus. Dasa lassin leat viessogálvvut ja biktasat. JMM:s lea maid 26 objeavtta sturrosaš luondduhistorjjálaš čoakkáldat man vurkkodit Nilla-dálu orrunviesus. Govvačoakkáldagas leat sulaid 500 gova maid vurkkodit musea kantuvrras. Govvačoakkáldat lassánii 20 govain 2016:s, ja čoakkáldahkii ožžo renjko ja sávzzaridda.

JMM dávvirčoakkáldat vurkkoduvo Nilla-dálus. Stuora oassi čoakkáldagas lea oaidnin láhkai orrunviesus, návehis ja goalmádasoasis návsttus mii gullá Nilla-dállui. Stuorámuš oassi fanasčoakkáldagas ja eará dávvirat mat gullet guolásteapmái leat vurkejuvvon musea ođđa stuoranávstui. Govat, jietnabáttit, CD:t ja dokumeanttat vurkkoduvvojit skábes mii gierdá buollima. JMM:s leat 520 gova, ja 1109 dávvara vuorkkás. JMM registrerii 42 dávvara ja almmuhii 8 2016:is.

### RDM-PORSÁNGGU MUSEA/PORSANGER MUSEUM/PORSANGIN MUSEUMI (PM)

Porsáנגgu musea/Porsanger museum/Porsangin museumi	Bargi Ansatt	Luohtámušdoaimma Verv
Konserváhtor Museajođiheaddji 01.01.16 rájes	Riinakaisa Laitila	Háldd. PRIMUS, miellahttu Kven Connection stivrenjoavkkus.
Gaskaboddosaš virgi	Roger Albrigtsen	
Gaskaboddosaš virgi 26.05. – 15.12.2016	Lars Paulsen	
Lassiveahkki	Ulf Eriksen og Dina Strand	
3 Geasseofelačča		

### Gaskkusteapmi ja doaimmat

PM lea Levdnjii ásahan dáiddabáikki gos maddái lea diehtjuohkin turisttaide. 2016 geasi ja čavčča čájehedje guokte dáiddačájáhusa. Skuvvanvárrái ráhkadedje ođđa čájáhusaid. Doppe leat maid ráhkadedje viessoláigošiehtadusa Skuvvanvári giliservviin. Dát formaliserii njálmmálaš šiehtadusaid ja “árbevieruid”. PM ii leat dássázii máksán elrávdnjegoluid, muhto ođđa šiehtadusa mielde galgá RDM ieš máksit elrávnjii. Muđui eai leat lassigolot šiehtadusa hárrái.

Bissojogas, Billávuonas ja Leaibevuonas leat doallan museakafeaid ovtta Porsáנגgu historjáservviin, Kvena instituhtain, Mearrasámi diehtoguovddážiin ja Norgga álbmotmuseain. Museakafeat leat čájehuvvon leat bivnnuhis gávnadanbáikin ja arenan gos báikkálaš servodagain ságastallojuvvo iešguđet fáttáid birra. PM veahkehi Norgga álbmotmusea prošeavttain sirdit ođđasihuksenáiggi viesu Leaibevuonas Porsáנגgu, Bygdøyai Osloi. Dán prošeavtta oktavuodas lei PM konserváhtor mielde gieddebarggus ja viesu diđoštambarggus. Seammás lágidii PM museakafea Leaibevuonas, gos Norgga álbmotmusea mitalii prošeavtta birra báikkálaš álbmogii.

Finnmárkku Fylkkamánni, Sámediggi, Finnmárkku fylkkagiella ja Porsáŋggu gielddat hálddašit Goarahaga ja Gálggašluovtta Porsáŋggus. PM lea ođđasit govven kulturduovdagiid, čohkken guovllu dološ govaid, doallan kulturmuittobeivviid, kulturmuittovánddardemiid ja govvačájáhusa "Utvalgt kulturlandskap Goarahat & Sandvik halvøya refotografert". Čájáhus čájehuvvui Mearrasámi diehtoguovddázis ja ráđđeviesus.

Porsáŋggu kulturmuittobeivvit lea ovttasbargu Porsáŋggu gieldda ja eará gieldda báikkálaš servviid ja ášahusaid gaskkas. Kulturmuittobeivvit lágíduvvoje Billávuonas, Leavnnjas, Porsáŋggu girjerádjosis, Skuvvanváris ja Repokoskis. Kulturmuittovánddardeapmi lei Gálggašluovttas.

PM lea ovttasbargan ja oasálastán máŋgga prošeavttas. Earet eará johkafanas ovttasbargoprošeakta Sámiid Vuorká-Dávviiguin ja Guovdageainnu gilišiljuin. 2017 geassái lea plánejuvvon johkafanasduddjonkursa. PM lea oasálastán logaldallamiin johkafanasárbevieruid birra, ja mánáiddoaimmaiguin Kipparin festivaalis Bissojogas. Mánáiddoaimmat ledje ovttasbargu Sámi giella- ja kulturguovddážiin. Go soahtehistorjjá dávvirat almmuhuvvojedje Digitála museai, ledje doalut girjerádjosis. PM lea oasálastán historjášearvvi jahkečoahkkimis muitalit musea doaimmaid birra.

2016:is ledje PM:s oktiibuot 3275 guossi.

### Čoakkáldathálddahus ja primusregistreren

PM čoakkáldagas leat 2147 gova ja 937 dávvira. Eanas dávvirat leat vurkejuvvon Skuvvanváris skuvlavistái. Muhtun dávvirat leat vuorkkás RDM-SVD:s. 2016:is váldojuvvui Skuvvanváris vuoddočájáhus vulos, bassama, registrerema, ja govvema dihte. Ođđa čájáhus "Savokeahtes soahteluottat" ceggejuvvui njukčamánu ja geassemánu gaskkas. PM lea oasálastán golmma Primus seminárii. 2016:s lea čoakkáldat sturron 26:in dávviriin, 386:in govain, 50:in girjiin, 500:in arkiivadokumeanttain ja 2:in sisaoastimiin. 2016:s PM registrerii 163 dávvira ja almmuhii 50.

### RDM-SÁMIID VUORKÁ-DÁVVIRAT/DE SAMISKE SAMLINGER (SVD)

Sámiid Vuorká-Dávvirat/De Samiske Samlinger	Bargi	Luohttámušdoaimma
Seniorkonsuleanta, Museajodiheaddji 01.01.16 rájes	Berit Åse Johnsen	Vuodđudusa stivrra várrelahttu Tove Kingren ovddas 2016-2020 DELTA váldoluohttámušolmmoš Mielláhttu Norgga bunáda- ja álbmotbivttaráđis
Bassi 80%	Terje Henriksen Joks	
3 geasseofelačča		

### Gaskkusteapmi ja doaimmat

RDM áŋgiruššá maidái árbedieđu sealluhemiin. 2016:s lea SVD:in dollojuvvon stuorát fanasduddjonkurssa. 6 oasseváldi besse duddjot iešguđet lágan fatnasiid (árbe)diehtoguđdiin. Olles



proseassa dokumenterejuvvui dan 9 vahku go kursa bisttii. Dát lea ovttasbargoprošeakta buot RDM báikkálaš museaid gaskkas. Norgga kulturráđđi, UNESCO ja Sámediggi leat dorjon prošeavtta.

Nationalmuseet Københámmanis dáhtui máhcahit “Poala-Ándde goavdása”. Go RDM sávai bisuhit dan SVD-DSS:s, bodii dárkkisteaddji Nationalmuseetis SVD-DSS:i iskat makkár seailluhandili goavdásis lea. Sii čavgeje gáibádusaid birrasii ja vurrkodeapmái jus ain galge luoikat goavdása. Šiehtadus ođastuvvui 5 jahkái.

SVD-DSS:s leat čájehuvvon mánnga kulturhistorjjálaš čájáhusa ja dáiddačájáhusa, ja leat maiddái čađahuvvon mánnga lágideami. Kárášjoga gilvvagárdesearvi lea doallan čájáhusa “Luoddagállibargu Kárášjogas, Eana ja gilvvagárdedoallu”, Anna Næss čájáhus, eaktodáhtolaš bargu čorget museabáikki, gárven girjegiehtačállosa “Boazodoalu nissonolbmot”, Kárášjoga gieldda 150 jagi ávvudeami čalmmustahttin čájáhusain “Dáلكemihtidanstašuvdna Kárášjogas 140 jagi”, čájáhus “Silbasuorpmas Sámis”, Per Hætta čájáhus, ja musea vuosttaš girjelávgun. SVD-Sámiid Vuorká-Dávviriid musea- ja historjasearvi doalai jahkečoahkkima musea lanjain. Leat maid čađahan geavatlaš buollinhárjehusa museas, mas bargit geahččaladde báhtarangeainnuid.

Olgomusea šilten lea muhtin muddui ođastuvvon. Museasearvi jahkegirjjis lea almmuhuvvon artihkal Johkafanaskurssa ja Ráhka birra. SVD-DSS lea 2016:s gieđahallan ja dohkkehan 1 ohcama mas sámi kulturmuittuide ohce doalvunlobi.

2016:s ledje SVS:s oktiibuot 4985 guossi. Erenoamáš guossit geat leat galledan musea leat Sámediggi, Norgga kulturráđđi, Statsbygg ja Ungára ambassadevra.

### **Čoakkáldathálddašeapmi ja primusregistreren**

SVD čoakkáldagas leat 13500 gova, 4690 dávvira ja 128 dáidaga. SVD-DSS dávvirat leat čájáhusain ja magasiinnain. Čájáhusa čuovga- ja birasdilli lea dohkálaš, muhto ii leat optimála. Dát lea áidna RDM báikkálaš ossodat gos lea galbmamagasiidna. Olgomusea njálá lea burgojuvvon ja ođđa beahcemuorra caggi/juolgi ráhkaduvvui. Frøysadal čájáhusa oktavuodas skánnejuvvoje 2016:s 435 gova. 301 gova ja 157 govvakoaarta skánnejuvvoje Anna Næss-čájáhusa oktavuodas. Lasáhusat čoakkáldahkii 2016:s leat 9 skeanĵka ja 29 sisaoastima. Lasáhussan leat maid 16 musihkka skearru ja 3 filmma. SVD registrerii 30 dávvira ja ii leat almmuhan maidege 2016:s. 80 widerøgegova leat gárvvistuvvon almmuhuvvot Digital museai.



Fanashoigadeamis 9.9.16

## RDM-GUOVDAGEAINNU GILIŠILLJU/KAUTOKEINO BYGDETUN (GG)

Guovdageainnu gilišillju/Kautokeino bygdetun	Bargi	Luohttámušdoaimma
Konsuleantta. Museajodiheddji 01.01.16 rájes	Johan Aslak Hætta	
Konsuleantta – prošeakta	Ellen J Bals	KulturNav
3 geasseofelačča		

### Gaskusteapmi ja doaimmat

Museajodiheddji lea čađahan dearvvašvuođa, birrasa ja sihkarvuođa jodihan(HMS) kurssa maŋjel go šattai gaskajodiheddjin.

Dán jagi lea GG vuosttamužžan vuoruhan primusbarggu. Earet turistaáigodaga lea musea lea leamašan gitta buot beivviid earet gaskavahkuid ja sotnabeivviid. GG lea suoidnemánus gitta čakčamánu maŋemus beaivái doaimmahan turistadiehtjuohkima, ja nu lei beaiválaččat rabas dii.9-18. NAV bokte oaččui musea liige bargi (bargohárjehallan), gii govvi ja registrerii dávviriid primusii.



Ovttas Sámedikkiin ja searvegoteráđiin hávdádeimmet oaiveskálžžu mii gávdnui Jámetmiellis 90-logu álggus, vitkojuvvon eatnamii 3.10.

Sámediggepresideanta Aili Keskitalo, Sátnejodiheddji Johan Vasara, stivrajodiheddji Johan Ailo Kalstad, museajodiheddji Johan Aslak Hætta, direktvra Anne May Olli, báhppa Bjarne Gustad ja Sámediggi kulturmuittuid fágajodiheddji Andreas Stångberg.

2016 beassážiid čájehii GG Valkeapää dáidaga man dáiddár skenjkii Guovdageainnu suohkanii. GG ovttasbargá Guovdageainnu suohkaniin dainna čoakkáldagain. GG bargá ain viidáset čájáhusprošeavttain Máze-ássi birra.

### Čoakkáldathálddašeapmi ja primusregistreren

Čoakkáldagat vurkkoduvvojit ja čájehuvvojit GG:s. GG čoakkáldagas leat 6600 gova ja 1655 dávvira. Nu gohčoduvvon kompakmagasiidna lea biddjojuvvon sadjái, muhto das ii leat birasstivren. Dávvirat leat čájáhusas ja magariinnas. 10-jagi áigodagas ferte árvoštallat viiddidit sihke čájáhusareálaid ja stuoridit magariinna. Čájáhusdilálašvuodas ii leat áibbas dohkálaš čuovga iige biras. 2015:s lea musea bijahan ođđa čuovggaid ja bijahan ođđa el-čuggestagaid doalahat dihte buollinsihkarvuođa. Sávdnjevisti lea divvojuvvon. 2016:s lasihuvvui čoakkáldat 11 skeaŋkkain. Dasa lassin lea GG váldán badjelasas hálddašanovddasvástádusa 49 dáidagii, ovddasvástádus mii ovdal lei Guovdageainnu suohkana. GG lea 2016:s registreren 456 gova ja dávvira, ja almmuhan 3.

GG:s ledje oktiibuot 2557 guossi 2016:s. Earenoamáš guossit ledje Riikkaidgaskasaš boazodoalloguovddáš (ICR), Sámi allaskuvla ja Sámi joatkkaskuvla.

## RDM-DÁIDDAMÁGASIIDNA/KUNSTMAGASINET (SDM)

Dáiddamágasiidna/ Kunstmagasinet		Luohttámušdoaimma
Dáiddakonserváhtor, Museajodiheaddji 01.01.16 rájes	Gry Fors	Tove Kingren-vuođđudusa stivralahttu 2016-2020 Bargiidáirras 2014 rájes Fásta miellahttu ja čáli Sámedikki sisaoastinkomiteas ja KD-sisaoastinkomiteas
Gaskaboddosaš virgi 100 %	Maaïke Halbertsma	
Gaskaboddosaš virdi 50 %	Tomasz Wacko	
Bassi 20%	Terje Henriksen Joks	

### Gaskkusteapmi ja doaimmat

2016:s lea SDM vuoruhan čoakkáldathálddašeami ja primusregistrerema. Leat ceggejuvvon guokte čájáhusa SVD Iver Jáks sáles, Gitz Johansen ja Digital Balke. Leat luoïkan čájáhusaid kuratert SDM Abstrakt, Duodji in my heart, Hans Ragnar Mathiesen, niibečájáhus ja Gitz Johansen. Dáiddamagasiinna bargit leat oassalástan Sámedikki duodjekonferánsas, Skinn jahkečoahkkimis, SDS jahkečoahkkimis, Workshop Preus museum, Norgga kulturráđi seminárii (Norsk kulturráds seminar om samlingsforvaltning mot 2020), Norgga-ruošša kulturbeivviide Murmánskkas ja Norgga/ruošša museafierpmádahkii. Sámi dáiddamagasiinna stipeanda komiteai láchán. Lea ovtta *Nasjonal senter for kunst og kultur i opplæringen*:in ráhkadan oahppogihppaga duojis mii heive vuođđoskuvlii. Ovtta bargan RDM:in johkafanasprošeavttas.

### Čoakkáldathálddašeapmi ja primusregistreren

2016 čavčča bidje dáiddamagasiidnii hilduid ja lođáid mat leat vuogádagat mat heivejit dáidaga vurrkodeapmái. Eanas oassi Sámedikki dáidda, ja deponiija dáidagat sirdojuvvoje ja biddjoje magasiinnaide. SDM lea searvan oktasaš Primusčoahkkimii Guovdageainnus. SDM registrerii 2016:s sullii 500 dáidaga. Sámi dáiddamagasiidna registrerii 2016:s 1202 dáidaga, ja publiserii 98.



Odđá dáiddamagasiidna mii lea Sáp̄miko:s

## RIDDODUOTTARMUSEATS (RDM) EKONOMIJA

2016 jahkerehketdoallu čájeha 138 134 ruvnno vuolláibáhčaga. Dat lea boađus das go leat eambo doaimmat go maid sisaboađuin sáhtta gokčat. Jagi mielde leat dahkkon vuoruheamit mat leat dagahan ahte vuolláibáza lea unnit go mii lei bušeterejuvvon. Sámedikki juolludeamis lea oassin 370 000 ruvnno dáidagiid sisaoastimii Sámedikki sisaoastinortnegii ja 130 000 ruvnno SVD dáiddačoakkáldaga áimmahuššamii/divodeapmái. Oktiibuot leat merkejuvvon ruđat 615 000 ruvnno. RDM oaččui 2016 čuovvovaš instánsain doaibmadoarjaga (2015 logut ruođuid siste):

Sámediggi 10 489 000 ruvnno (9960000,-)

Finnmárkku fylkkagieldda 279 000 ruvnno (271 920,-)

Guovdageainnu suohkan 220 000 ruvnno (220 000,-)

Porsáŋggu gielda 188 700 ruvnno (185 000,-)

Fálesnuori gielda 125 000 ruvnno (125 000,-)

Karášjoga gielda 220 000 ruvnno (220 000,-)

Obbalaš doaibmadoarjja 11 521 700 ruvnno

ležas sisaboahtu 460 650 ruvnno

Prošeaktaruđat/Foanddat (KLP/eará) 1 780 885 ruvnno

SUBMII 2016 doaibmasisaboahtu: 13 763 235 ruvnno

2016 golut 13 917 207 ruvnno

**Jahkeboadus VUOLLÁIBÁZA (138 134) ruvnno**



